

青海秦疏





青海奏疏

為會商先行遴派大員馳赴威遠統軍彈壓並籌布後路各
隘防勦事宜恭摺具奏仰祈

聖鑒事竊奴才豫師於十月初二日將馳抵平番縣日期及疏
通後路大概情形業經繕摺

奏報在案當將察看平碾一路要隘形勢修築堡寨等情與
臣左宗棠往返會商悉心參酌臣等查西甯地處偏隅全倚
碾伯平番兩邑為阻塞米拉三溝門戶而甯境回族滋蠢搶
掠又全借由米拉溝竄來外匪為名竄匪一日不絕甯境一
日不安是堵禦竄匪即為平靖甯郡要著惟平碾二縣相距

二百四十餘里叢山密林一望榛莽通透米拉溝隘口十餘處賊匪時常出沒若不將此路隘口妥為籌布穩固不但餉糧軍裝轉運艱阻且恐進攻河州窮寇皆以米拉三溝為出路於西事大有關礙奴才豫師前派五品軍功何得彪管帶練勇往來疏通屢有斬擒而該匪恃其山險岔路繁多賊蹤尚難猝淨所築堡寨除松樹牙壑一處業已完工駐勇招民聚壑外其漫水灘大里壩兩處又因地道早寒過凍停工平番為西軍糧餉總運要地且係四達通衢密通賊巢不時窺伺正月間曾經賊匪攔入擊退九月復有大股悍逆突犯城池馳防南字營提督張萬美陣亡雖經奴才豫師立時督隊

擊退而該匪覬覦要區已可概見是奴才豫帥勢不能不將
此路布置穩固以免後顧之虞然破伯威遠雖有遊擊唐有
彥三營暨利達中前二營聯絡聲勢會合鄉團擇隘堵擊究
無大員鎮壓尚恐疎懈臣左宗棠查有現辦營屯局西甯鎮
總兵黃武賢久任甯郡情形熟習可資得力因會商奴才豫
帥派令先行馳往威遠堡統帶唐有彥懷義三營並將懷義
營號改為靖西中左右三營以期整頓飭令就近隨同奴才
豫帥相機布置庶覺聲勢益壯現在該員業已稟報到防指
置尚稱周妥再查西甯回族近來頗覺斂迹昨將已故西甯
辦事大臣玉通樞眷暨積年扣留卸事官員家屬陸續送出

其米拉溝窩藏陝回一萬餘衆聞官軍聯絡布置各隘已於
九月分股竄赴甘涼一路而去是以西碾邊月以來尚無竄
擾情事其由西碾番漢商民販賣貨馱漸可行動平番城內
現在街市生意稍有起色惟賊情狡詐難保無聚謀大股突
出意外之計已嚴飭駐防各軍小心妥為布置相機截勦所
有臣等會商布置防勦並派委大員先行馳赴威遠緣由理
合由驛五百里馳陳伏祈

皇太后

皇上聖鑒訓示謹

奏

軍機大臣奉

旨另有旨欽此

再奴才於十月二十三日在平番縣行營接據西甯辦事大臣衙門供差理藩院主事札清阿筆帖式高秀松岫稟稱青海之

神每年秋間由奴才帶領章京等出口致祭並行文督臣衙門派委大員陪祀如遇會盟之年預為傳知蒙古王公札薩克臺吉等齊備盟所於祭

神之次日按品入

筵頒

寬緞尺梭布荷包小刀等物歷任 此辦理等情請示前來
奴才查典禮攸關自應循例敬謹備辦但奴才現尚帶兵駐
劄平番防勦竄匪壽布各路軍事勢難分身未能克日赴渥
且查該主事等來稟已在秋後核與向年祭神日期相隔月
餘之久且須行文承辦一切事宜尤稽時日况目下渥屬地
方不靖路多阻隔紛紛飭調蒙古王公冒險赴盟亦無以示
朝廷優恤外藩之至意 奴才權擬自本年為始將致祭
海神並蒙古會盟一併暫行停止藉以綏靖地方而節糜費

一俟甯屬軍務稍鬆再行察看情形隨時奏請舉辦仍於典禮不致久曠除分別咨行外為此附片具奏是否有當伏祈
聖鑒訓示謹

奏

軍機大臣奉

旨知道了欽此

軍機大臣 字寄

欽差大臣陝甘總督一等恪靖伯左 甯夏將軍穆 西甯辦

事大臣豫 同治九年十一月二十六日奉

上諭左宗棠穆圖善奏鎮番肅清附省兵圍剿賊獲勝左宗棠
豫帥奏派員統軍彈壓及籌布後路防剿事宜各一摺鎮番
踞匪經官軍擊敗全數西竄水昌穆圖善已飭總兵王仁和
等跟蹤進剿務將此股賊匪悉數掃除毋令蔓延為患如兵
力不敷即著左宗棠穆圖善酌度情形添兵前往援應皋蘭
碾伯地方及省東轄境時有零星竄擾雖經兵圍剿辦獲勝
惟省垣根本重地逼近河狄該處賊股衆多深虞竄突現在
河冰凍結尤應加意嚴防著穆圖善督飭兵圍隨時偵探防
剿毋稍疏虞左宗棠亦當妥籌兼顧全稱堡賊勢已蹙何以

日久未見成功糜餉老師該大臣難辭其咎若再不振副精神迅圖攻拔致以一隅之地牽掣兵力耗費餉需大局何堪設想南路秦階一帶時有賊蹤該處統領能否得力河狄巨股如何設法進剿左宗棠當統籌全局迅將全精攻克騰出兵力次第廓清不得以遠在平涼僅顧甘北一路致軍務總未得手也豫師現已會商左宗棠將平番碾伯隘口布置嚴密以杜西竄回衆由米拉三溝竄出之路先派總兵黃武賢馳赴威遠堡整頓各營西碾平番近既安靖豫師當懍遵前旨馳赴本任會同黃武賢認真籌辦以重職守米拉溝高藏陝回萬餘據豫師奏已分股竄赴甘涼一路著左宗棠移圖

善撤令甘涼防兵探明痛剿就地殲除勿留餘孽將此由五
百里各諭令知之欽此遵

旨寄信前來

為大股逆匪突犯礮石縣城經官軍迎剿大獲全勝恭摺具
奏仰祈

聖鑒事竊臣等於十一月初二日將會商派委大員先行馳赴
威遠堡並籌布後路情形業經繕摺

奏報在案茲於十一月二十一日接據管帶利建中營參將
李春海前敵照料募勇委員候補知縣田立愔辦理營務委
員候選知縣卽廷獻等稟稱本月十四日黎明時據探勇報
稱礮石大峽口有大股悍逆馬步約計三四千名蜂擁而來
勢甚兇猛等情參將李春海聞報一面飛知地方文武整頓
團勇登陴防守一面管帶本營隊伍沿河布置正在列陣間

旋見大股悍逆由峽口冲出直撲城池經參將李春海整隊
迎擊自卯至未逆焰少卻該參將察知賊力漸懈暗行知會
委員田立惜催督圍紳鄉勇在後助力該參將即率本營隊
伍猛撲過河冲入賊陣立將大股截分兩段首尾不能相顧
遂即敗竄紳圍等合力助剿賊衆披靡紛紛落馬追殺直入
南山遠遁時因天色已晚士卒枵腹暮之岔路繁多當即收
隊回城查此仗共計生擒七名割獲馬步賊首五十八顆其
槍斃滾崖落澗自相踐踏旋被該匪拖去者不計其數奪獲
馬驛等共一百零八匹刀矛器械無算我軍中營左哨弁曾
占魁身受重傷陣亡勇丁二名受傷勇丁十餘名據訊擒獲

雷元孫六十七林菩薩保趙存玉劉九娃子丁存福子潘住
子等僉供此股賊匪係陝西渭南回逆偽大元帥阿渾馮終
效副賊胡姓由西甯邊渡口來共約衆脅隨教一萬餘人此
次共來四五千人尚有尾賊白玉虎管帶未到聞賊首馮終
效言因官兵駐防嚴密恐難存身意欲先攻碾伯再打平番
如不能勝相率由甘涼出口各等詔經該營員等稟報前來
奴才豫帥正在查核間旋於十二月初一日據代理碾伯縣
知縣童永基署碾伯營都司魏榮暨各委員營官等復行會
稟情形與前稟大畧相同臣等查該匪因官軍分防不能分
股肆擾膽敢糾夥直撲縣城很命一試實屬悍逆已極而奴

才豫師甫立新軍一切衣履器械等項因餉款缺乏多未完
備雷該逆時衆突然冲撲城池建中營參將李春海等竟
能激勵士卒以少擊衆擒生斬馘大挫克鋒洵足以壯先聲
而寒賊膽所有在事出力員弁可否卹懇

天恩准由 臣等擇尤酌保以資鼓勵之處出自

聖主逾格鴻慈又據統帶靖西等營西甯鎮總兵黃武賢報稱
十四日探得有回逆大股不知其數竄至距甯東九十里之
平戎驛相距碾伯僅止七十里南與新克復之白馬寺高寨
對河目下河凍白馬寺等處又為賊逆舊巢現經極力相機
堵擊並請飭碾伯縣地方營伍預為防範等語 臣等查核日

期即係竄撲破城之匪除仍嚴飭該將弁等加意偵探截剿
外謹合詞將賊匪撲犯破城迎剿獲勝緣由理合由驛五百
里馳陳伏祈

皇太后

皇上聖鑒訓示謹

奏

軍機大臣奉

旨另有旨欽此

軍機大臣 字寄

欽差大臣陝甘總督一等恪靖伯左 寧夏將軍穆 西甯辦
事大臣豫 同治十年正月初八日奉

上諭左宗棠穆圖善奏賊匪竄擾肅甘郡縣左宗棠豫帥奏賊
犯碾伯擊退情形各一摺賊匪於十月初九日竄入山丹縣
城旋即退竄入股直逼甘郡擾及高臺復又另股盤踞鎮番
縣屬之柳林湖西甯地方又有陝回竄擾此時甘省北路軍
務正在得手賊黨乘西路空虛紛紛肆擾雖經揚占鼐王仁
和等隨時防禦尚恐兵力不足著左宗棠穆圖善迅速會商
派撥勁旅分紮扼要處所嚴密堵剿毋任賊蹤紛竄其柳林

湖踞匪著穆圖善飭令常明率隊進剿悉數殲除河狄回匪
出擾邊省一帶經副將王得隆帶隊迎剿疊有新擒仍著穆
圖善妥為布置認真防範署山丹縣知縣張秉恬因公出城
有無控飾著左宗棠穆圖善查明具奏撲犯碾伯之賊經參
將李春海等督率團勇擊退據獲賊供稱有由甘涼出口之
詔左宗棠穆圖善務當於沿邊一帶設法防守不得任令竄
出邊外致滋蔓延並知照成祿趕緊派隊兜剿以期聚殲豫
帥即督飭李春海等實力防剿一面相機前進馳赴本任會
同黃武賢妥為籌辦此次擊退撲犯碾伯賊匪在事出力各
員准由左宗棠豫帥擇尤保奏將此由六百里各諭令知之

欽此遵

旨寄信前來

為協餉異常拖欠軍實無資請

旨飭確以保艱局恭摺具

奏仰祈

聖鑒事竊奴才於同治九年十二月初九日將大股賊匪突犯

破伯城池經利建等營迎勦大獲全勝業經會摺

奏報在案茲查奴才所部各軍分防平破竄匪以固甯郡藩

籬藉以鎮攝內患正在喫緊經戶部撥給甯餉每月僅止二

萬五千兩一切兵餉採買糧石軍裝轉運皆賴此數即買糧

一事而論邊徼荒涼復遭積年蹂躪一片焦土惟山僻窮農

零星湊集盡係小販糶粟生活萬難拖欠此外必須遠赴涼

州一帶採買往返十餘里運價脚力在在為難是各省軍務

之難以甘省為最而甘事之難又以西甯為尤不但餉止此

數無可展轉即欲在地方挪借亦苦無可措辦之處去歲年

終協餉久不報解雖經辦理西征糧臺袁保恒維持大局籌

墊餉銀一萬兩又復停滯南路馬營監地方不能趕到所有
各營將士於荒寒之地當卒歲之時竟無分釐領項萬難支
度經奴才極力撫恤設法拼湊稍為敷衍過歲指望開春或
有積款接濟不意昨於正月十四日准辦理西征糧臺袁保
恆文函聲稱各省協餉一味膜視無論如何飛催毫無應付
咨請奴才酌核辦理等情奴才接閱之下五內如焚檢查協
餉報解臺文將及一年之久各省通共僅止報解銀五萬七
千兩除尚在中途延滯未到外實解到營各省協餉僅止二
萬兩計自奉撥之日起截至本年正月月底止共欠解餉銀二
十一萬八千兩是各省通共報解尚不過十分之一二大局

從何措置奴才復查部撥之款本係甘省欠餉並非格外添撥况為數有限又係三省分攤籌解該藩運司等應如何恪遵

諭旨盡心籌款顧持大局乃將及一年之久惟山東藩司報解較為稍強其河南兩淮藩運二司僅止報解十分之一二似此任意疲玩類催周應以致軍務掣肘遲誤兵機大局何可設想奴才勢迫心焦萬不獲已可否籲懇

天恩俯念西甯軍務喫緊士卒枵腹荷戈請

旨飭下山東河南撫臣兩江督臣嚴飭藩運各司立將欠解甯餉掃數清解嗣後仍須如數如期源源接濟以顧危局則地

方幸甚士卒幸甚所有西甯協餉具常拖欠奏催緣由理合
由驛五百里馳陳伏祈

皇太后

皇上聖鑒訓示謹

奏

軍機大臣奉

旨另有旨欽此

再奴才於同治十年正月初四十六等日兩次接准辦理西
征糧臺翰林院侍講學士袁保恆咨稱前因西甯軍餉萬緊
由西征糧臺派赴兩淮催提委員候選縣丞徐立成派赴河
南催提委員候補中書唐林先後在中途積勞病故查該員
等久經在臺當差最為出力茲因西甯提餉往返數千里衝
冒風霜昕夕不遑以致積勞病故殊堪憫惻咨請奴才援例
奏請

賜卹以資觀感而勵將來等情前來奴才查西甯地處窮邊軍
餉正緊迢迢遠道全賴得力委員不辭勞瘁竭力催提方期
無悞事機茲據袁保恆咨稱該委員等久著勞績復因提餉

長途奔馳衝冒風霜積勞病故若不准予卹典誠恐無以激
勵將來合無籲懇

天恩俯念西甯軍餉需望孔亟該員等竭力從公中途病歿可
否將已故候補中書唐林候選縣丞徐立成照軍營立功後
病故例

賜卹之處出自

逾格鴻慈所有委員催餉中途病故請卹緣由理合據情附片
奏

聞伏祈

皇太后

皇上聖鑒訓示謹

奏

軍機大臣奉

旨唐林徐立成均著交部照軍營立功後病故例議卹欽此

再奴才於同治十年正月初四日在平番行營准軍機大臣
字寄同治九年十一月二十六日奉

上諭左宗棠穆圖善奏鎮番肅清州省兵圍剿賊獲勝左宗棠
豫師奏派員統軍彈壓及籌布後路防剿事宜各一摺鎮番

踞匪經官軍擊敗全數西竄永昌穆圖善已飭總兵王仁和等跟蹤追勦務將此股賊匪悉數掃除毋令蔓延為患如兵力不敷即著左宗棠穆圖善酌度情形添兵前往援應奉蘭碾伯地方及省東轄境時有零匪竄擾雖經兵圍勦辦獲勝惟省垣根本重地逼近河狄該處賊股眾多深虞竄突現在河冰凍結尤宜加意嚴防著穆圖善督飭兵圍隨時偵探防勦毋稍疏虞左宗棠亦當妥籌兼顧全積堡賊勢已蹙何以日久未見成功糜餉老師該大臣難辭其咎若再不振刷精神迅圖攻拔致以一隅之地牽掣兵力耗費餉需大局何堪設想南路秦階一帶時有賊蹤該處統領能否得力河狄巨

股如何設法進剿左宗棠當統籌全局迅將全積攻克騰出
兵力次第廓清不得以遠在平涼僅顧甘北一路致軍務總
未得手也豫帥現已會商左宗棠將平番碾伯隘口布置嚴
密以杜西竄回衆由木拉三溝竄出之路先派總兵黃武賢
馳赴威遠堡整頓各營西碾平番近既安靖豫帥當懍遵前
旨馳赴本任會同黃武賢認真籌辦以重職守木拉溝窩箴
陝回萬餘據豫帥奏已分股竄赴甘涼一路著左宗棠穆圖
善檄令甘涼防兵探明痛剿就地殲除勿留餘孽將此由五
百里各諭令知之欽此遵

旨寄信前來奴才跪讀之下仰見

聖主慶念邊陲之至意曷勝欽佩自當恪遵立即由平馳赴本任以重職守惟其中西竄現時軍情實有不能不委曲穩慎而顧全局者謹縷列細情為我

皇上密陳之查甘肅軍務積年以來已如亂絲而西竄尤甚非扼其要害次第穩慎籌布不但跋前疐後且慮愈形潰裂故督臣左宗棠入甘察知此情因全積堡為全甘要害全力注此而以其餘為羈縻固持之法雖覺有需時日然全積得手如振衣挈領不但得一處一處可靠且次第自可迎刃而下甘省軍務始有了結之時是較當初兩年之東張西顧迥無端緒與困居衙齋日事敷衍者無速效而收實功也西竄地

處窮邊回情尤為狡譎往年詭託就撫將閭城文武拘逼在
內把持嚴密外面勾結竄匪四處焚殺赤地數百里渺無人
煙雖山險附固之區畧有番漢成團尚在苟存拒守然為時
已久率多彫殘奴才自奉

恩旨補授西甯辦事大臣之時素稔情形苦籌熟計彼時若議
進兵攻勦不但無此大兵鉅餉且一片榛莽軍糧轉運在在
難行故於萬分無法之中思及鎮攝羈縻之計所以擬招營
伍者張聲勢以備其心也僅立五營者餉易設措謀糧轉運
尚可接濟也營伍分紮平曠者力薄恐其識破而藉口生變
也未便隻身輕入者使其不能再施要挾輒困之計也因而

堵擊外匪以剪其羽翼暗整各團以廣我兵力籌辦掃草以
備大兵進紮之地添築堡寨以為轉運通暢之路時發告示
曉諭遣員開導以安其變心散其脅從然後步步為營持重
而進則我勢穩而彼勢蹙我勢寬而彼勢孤即未戰而已居
勝局矣凡此皆奴才昕夕焦思相機察勢力圖補救固不敢
冒昧貪功輕於一擲以致貽誤大局至本署公務亦不敢曠
奴才自抵平番先行飭令衙門司員一切公文均由包封馳
遞行營隨時辦理沿途由派紮各軍節節馳遞較原任玉通
時道路阻塞公文動至停擱遺失相去徑庭現在西寧回情
漸漸斂迹窩藏陝寇陸續亦多西竄是目下稍有起色昨復

聞左宗棠已將全積收復馬化澄投誠東路一清自必移軍
狄河奴才前已函商其攻勦狄河時預為分兵西來藉可抽
出奴才防軍進紮現時奴才趕催將後路堡寨築齊所有左
宗棠由涼州借撥軍糧三千石勒限飛運一俟妥協即行投
隊前進分別勦撫約畧計之似不致久需時日總之奴才在
甘十載自從署督臣沈兆霖營務以來頻年馳逐疆場性命
呼吸屢瀕於危從未敢自惜身命茲蒙

天恩高厚畀以重任豈敢稍存畏難瞻顧之見竊因軍務機宜
有不得不穩慎籌布者故未敢冒昧從事以竭愚忱也所有
詳籌西甯相機擬辦軍情理合附片密陳伏祈

皇太后

皇上聖鑒謹

奏

軍機大臣奉

旨另有旨欽此

軍機大臣 字寄

欽差大臣陝甘總督一等恪靖伯左 西甯辦事大臣豫 同

治十年二月二十二日奉

上諭豫師奏籌辦西甯軍情等語西甯回衆類年詭託就撫勾
結外匪四處焚殺豫師以兵力不足驟難進攻然擬鎮攝羈
縻解散脅從以孤賊勢所籌尚為因時制宜之計現在全積
堡賊首馬化澂等業已伏誅羣賊自必聞風喪膽左宗棠即
應乘此聲威調派各軍規取河州等處兵貴拙速不貴巧速
諒該大臣全局在胸必已熟思審計迅速籌辦豫師業已函
商左宗棠移軍狄河時豫為分兵西進以便抽軍進紮晉左
宗棠斟酌情形隨時與豫師妥籌辦理刻下西甯回情漸已
斂迹窩藏陝匪亦陸續西竄豫師仍當審度軍情按隊前進
相機剿撫不得徒託空言久延時日所請飭催山東等省協

餉已諭令各該省迅速籌解矣本日據英翰奏等獲逆首宋景詩供稱伊子今年二十歲聽說在西路營裏不知真假等語該逆之子如在軍營溷跡必係詭託姓名著左宗棠飭令各營留心訪察一經查出即行奏聞將此由五百里各諭令知之欽此遵

旨寄信前來

為賊匪竄擾平番屬境連日堵剿退竄並奴才等會商布置情形恭摺聯銜馳奏仰祈

聖鑒事竊奴才穆圖善於上年十月間兩次親往平番整飭營壘擇要駐紮各情曾經

奏明在案惟自紅城南大通以及平番一帶各山溝通達賊巢隘口叢雜數月以來間有股匪出竄均經奴才豫帥督飭所部並南宇莊浪等營兵勇隨時捕剿地方稍安人民漸次復業本年二月十八日據代理平番縣知縣張寶銑報稱接前途廳縣傳牌有烏魯木齊提臣成祿派委遊擊吳得喜等四員護送在肅州投誠之陝西回民一千數百名前往米拉

溝令經過地方一體支給口糧該回民即於是日到縣查驗
公文印信屬實該縣張寶銳當即應付糧穀等情因查該回
眾雖云投誠究恐反覆遂於到平之日飭令在距城稍遠之
地駐紮即於次日催令赴未拉溝去訖該原解委員等仍在
平番守候據稱此股回眾定期十日仍由未拉溝折回赴肅
聽候安插其如何辦理詳細情形奴才穆圖善奴才豫帥均
未准成樣咨報殊難懸揣詎該回眾早逾十日之期並未折
回原解委員亦即轉赴肅州忽據探報未拉溝有陝賊多人
四出殺掠奴才豫帥當即飛飭各營預為準備二月二十九
日平番各隘口均有零星逸出搶奪民間牲畜當經南字左

營利建左前營分頭堵擊殺斃賊匪多名被搶牲畜概行奪
獲給主認領該匪每日仍行出竄我軍連次出隊疊有斬擒
逆已紛竄入山三月初二日探得離城七十里全家泉地方
有賊聚駐行巢奴才豫帥密派親兵營夤夜馳剿賊匪無備
驚竄立殺數十名生擒二名奪獲馬匹器械於次日晚歸伍
又十四日夜離城七十五里徐家磨地方有股匪五六百名
偷出攻打民堡經利建右營周興祿會同本地團勇乘夜救
援暗入賊隊始行接戰追殺五里餘山溝而回擊斃賊匪七
八十名滾溝落澗不計其數生擒三名並割獲首級呈
報前來訊據生擒賊目張全等供稱因聞全積堡克復急思

遠道羣議沿途搶掠糧畜以備裹帶等語訊明隨即正法奴才等查現富布種之際護民耕作尤為第一急務奴才豫帥仍飭各營分途搜捕認真堵剿倘有大股竄突平番駐防兵勇不敷抵制奴才膠圖善再富由省抽調勁旅以資厚集務淨妖氛惟原赴米拉溝陝回至今未見折回現在滋事是否即是此匪亦難確指第思此股既未敢公然由平番大路而竄難保不另由間道擾及甘涼奴才等業經分別移飭署甘肅提督楊占鰲署涼州鎮總兵王仁和一體防範至碾伯一帶據靖西利達等營報稱亦有賊股分出滋擾經該營堵剿疊有斬擒奴才豫帥飛飭駐紮各營並調巴札果莽等番寺

團勇合力兜捕務期掃除淨盡而保無虞所有賊匪竄擾平
番連日堵剿退竄並會商布置緣由理合聯銜繕摺由驛五
百里馳奏伏祈

皇太后

皇上聖鑒訓示謹

奏

軍機大臣奉

旨另有旨欽此

軍機大臣 字寄

欽差大臣陝甘總督一等恪靖伯左 寧夏將軍穆 西寧辦

事大臣豫 烏魯木齊提督成 同治十年四月二十日奉

上諭穆圖善豫師奏擊退平番竄匪會商布置情形一摺甘肅

平番縣境於本年二月間有肅州投誠峽回一千數百名由

成祿派員護送前往未拉溝據原解委員聲稱定期十日仍

由未拉溝折回赴肅乃逾期仍未折回忽報未拉溝有峽賊

多人四出殺掠復於金家泉等處滋擾先後經豫師派兵截

剿斃匪甚多該匪現已紛竄入山即著豫師飭令派出各營

分投搜捕認真扼堵務將此股賊匪悉數殲除平番防身無

多並著左宗棠穆圖善抽調勁旅協同防剿以資厚集厚赴
米拉溝陝回尚未折回現在滋事之匪是否即係此項回眾
且該陝回等既須在肅安插何以先送至米拉溝既須由米
拉溝折回肅州何以原解委員又不在平番守候其辦理詳
細情形何以不先期知照穆圖善等著成棟據實奏聞並一
向妥為辦理毋令貽害地方甘涼一帶該將軍等已訪揚占
鼇王仁和一體防範即著隨時撤令該提督等認真扼守不
可稍涉疏虞碾伯一帶賊股亦當撤令巴札果莽等處團勇
合力兜捕保衛地方將此由五百里各諭令知之欽此遵

旨寄信前來

青海奏疏

為陝西餘匪勾結西甯回族肆行擾害迭經官兵擊退現復
攻踞民堡仍飭西甯鎮總兵督率兵圍相機堵剿緣由恭摺
馳

奏仰祈

聖鑒事竊奴才穆圖善先後接據統帶靖西營甘肅西甯鎮總
兵黃武賢稟稱上年冬間西甯地方即有竄來陝回分途擾
害本年正月十二日賊騎數百突攻高寨堡次早又有大股
在河南盤踞聲言先取高寨次臨威遠黃武賢聞報立即帶
隊迎擊賊尚未退至十六日果有悍匪五六百名分三路直

撲威遠堡黃武賢帶兵出堡堵剿賊向南奔我兵追於二十
里之沙溝口戰至十餘合殲斃極多奪馬三匹十九日又有
騎馬賊五百餘名從西山班家灣撲威遠堡之西亦經黃
武賢擊敗斃匪數名奪馬二匹器械多件賊即退踞高寨二
十日該匪由高寨分股竄及高羌堡董家寨一帶黃武賢派
遊擊黃金福張發元率領馬隊由河南小路進另調巴札團
馬隊由南大路進自帶步隊隨後接應賊見我兵踵至奪路
狂奔我軍併力追趕殺斃數十名奪獲馬匹器械尤多二十
九日至二月二十五等日該匪竄突靡定我兵奮力堵剿迭
有勝仗三月初一日據報逆首白彥虎率領股匪竄赴西甯

小南川攻取漢庄名謂陝回竇則本地與貴德回匪及山後
撒拉引道恣意焚殺並聞從全積堡逃來取匪與西甯回民
亦聯為一氣三月十六日據報白彥虎已將小南川漢堡攻
陷賊匪踞為巢穴待收田稼另有崔三一股仍踞曹家堡分
黨潛伏高寨兼有對河平戎驛高生彥股眾過河聯紮依為
犄角之勢黃武賢因威遠踞高寨往返將及二百里而威遠
堡又時有北川回匪撲犯防守萬分喫緊暫未進兵嗣探該
匪藏伏日久漸形疎懈黃武賢於二十六日挑選奮勇數十
名夜襲賊巢行至離高寨十餘里遇伏賊十餘名我勇殺斃
二名生擒一名二十九日三更黃武賢復親帶馬隊並調已

扎圍馬勇分兩路進剿次早四月初一日黎明將及高寨該匪遠見我兵皆奔往曹家堡而去我兵撲進高寨並無一匪查曹家堡踞高寨僅十餘里現有崔三股匪出巢接應又有河南高生彥馬賊渡河而來黃武賢因兵勇單薄未便深入重地撤隊回防各等情並稱連接西寧大小南川及西北川等處漢民告急稟詞抄錄一併稟請核辦前來奴才穆圖善核閱抄稟內皆以白彥虎等糾同湟屬回衆約有萬餘將小南川二十餘庄攻陷並河州回目馬占鰲原鄉約率領撤回千餘人施放地雷將什張加庄攻陷庄為賊踞而丹噶爾地方文武因南川距丹匪遙亦飛稟告急接閱之餘不勝焦憤

竊查西寧回族連年雖以就撫為名而陽奉陰違悖逆之心
本未稍斂現據稟報各情又與外匪勾結勢頗披猖臣左宗
棠籌辦東北搜剿善後諸事兵既驟難遠移奴才穆圖善部
眾防守省垣東西門戶並疎通大靖一帶糧路又未使輕率
抽調况河州回目馬占鰲等既已分股在甯屬滋擾即難保
不以大股乘間摸犯省城若以駐省各營酌調赴湟則省城
空虛恐墮河回詭計奴才豫師所部除調駐威遠外平番駐
紮之勇本不多人又值赴湟道路節節梗阻勢難尅日而進
現經臣等飛檄黃武賢率領靖西三營並會同奴才豫師原
駐威遠營勇一面調集西環各路漢番團丁相機堵擊以免

蔓延奴才據圖善仍一向飛咨臣左宗棠應如何派隊馳往
助剿並以後布置情形由臣左宗棠另行奏報外所有陝回
勾結西甯回匪肆擾官兵迭次擊退現復攻踞民堡仍飭西
甯鎮總兵堵剿緣由理合聯銜繕摺由驛五百里馳奏伏乞

皇太后

皇上聖鑒訓示謹

奏

軍機大臣 字寄

欽差大臣陝甘總督一等恪靖伯左 甯夏將軍穆 西甯辦
事大臣豫 同治十年六月初十日奉

上諭左宗棠穆圖善豫帥奏陝回勾結西甯回族滋擾派兵堵
剿一摺陝回分竄西甯攻撲高寨威遠等堡擾及高羌堡董
家寨一帶經總兵黃武賢派隊堵剿迭獲勝仗惟逆首白彦
虎率黨攻陷小南川漢堡踞為巢穴崔三一股仍踞曹家堡
分黨潛伏高寨高生彥股眾與為犄角並有全積堡賊匪竄
至與西甯回民聯為一氣河州回目馬占鼇等亦率撤回攻
陷民莊西甯回族就撫本不足恃現在外匪紛至與之勾結

勢恐蔓延穆圖善現已撤令黃武賢率領三營會同豫帥原
駐威遠營勇調集西碾各路團丁相機堵擊即著督飭派出
共團認真剿辦毋任賊勢鳴張西寧地方賊股充斥豫帥兵
力既單穆圖善駐省各營勢又不能遠調左宗棠當統籌全
局迅即撥隊馳往助剿痛掃妖氛其應如何籌辦布置並現
擬進紮何處河州回巢應如何分路進兵攻剿均著詳細具
奏赴湟道路雖梗豫帥仍當設法剋期前進不得濡滯中途
以重職守穆圖善另片奏未能撥兵康爾西路等語甘省北
路雖漸肅清而馭殘餘匪竄向河州西寧等處陸續由甘涼
遁入肅州若左宗棠進兵規取河州賊勢窮蹙必以西路為

逋逃數自應添撥兵勇扼守西路方足制賊死命穆圖善所
部保守省城護運糧石未能移調前往自係實在情形甘涼
兵力過單難資扼剿左宗棠統轄全省西路應早籌及仍著
迅速撥兵協剿毋得稍涉遷延致滋貽悞穆圖善亦應督率
邊省各軍隨時扼剿竄匪與左宗棠和衷商辦不可稍分畛
域左宗棠穆圖善另摺奏剿辦山丹土匪及甘州賊股情形
已明降諭旨將出力及畏縮各員分別獎勵懲辦矣仍著左
宗棠等飭令楊占鰲督率所部加意防範毋令賊匪乘間奔
突以靖地方將此由五百里各諭令知之欽此遵

旨寄信前來

軍機大臣 字寄

欽差大臣陝甘總督一等恪靖伯左 甯夏將軍穆 西甯辦

事大臣豫 涼州副都統瑞 同治十年七月初六日奉

上諭前因甘肅甘涼肅一帶兵力單薄諭令左宗棠穆圖善派
兵截剿茲據奏稱東西兩山尚未肅清南路亦須留兵駐紮
西甯河州逆巢未掃左宗棠現駐靜甯距西路遙遠穆圖善
所部兵勇駐守省垣分紮金縣等處均難抽撥請俟河西肅
清零匪搜除淨盡再由左宗棠撥兵前赴西路等語甘涼肅

地方緊要亟應妥為設防即著豫師瑞雲就現有兵力於各該處緊要隘口嚴密防堵遇有匪徒竄入即行實力剿擊毋任該匪蔓延惟豫師瑞雲所部兵力無多如有大股竄入殊難堵禦仍著左宗棠穆圖善妥籌兼顧如西路緊急務於無可抽撥之中設法派兵赴援以資得力將此由五百里各諭令知之欽此遵

旨寄信前來

為賊匪入股竄撲礮相縣城官軍連日迎勦獲勝並各路擊
賊情形恭摺聯銜馳奏仰祈

聖鑒事竊查自本年四五月間陝匪崔三胡碼帥等陸續竄踞
西寧平戎驛地方約計一萬餘眾四出滋擾疊經督飭礮台
威遠等處駐軍民團互相兜擊屢有斬擒惟地方遼闊山岔
繁多賊騎飄忽無定未能立時掃蕩盡淨經臣等嚴飭各軍
設法實力殲除去後旋於六月初四初六等日接據管帶利
建中營參將李春海委員溫懷璋等馳報五月十四日探得
馬步悍賊約有三千人竄到礮台之勝番溝熊家灣趙家
寺直抵羊官寺地方滋擾當經參將李春海帶領中前二營

委員溫懷璋會同署碭伯縣知縣童永基帶同地方團勇於
十五日黎明分道馳勒至王家莊地方迎戰賊勢却退適遇
大雨未便窮追十六日五鼓復行潛師往擊至熊家灣界遇
賊衆麇至當分軍左右夾攻該匪取竄直追至弩木溝賊衆
大潰紛紛滾溝翻山而遁殲斃賊匪極多是晚收隊回城又
於二十六日探得平戍賊匪糾約大股數千計於二十七日
攻撲碭城等情各軍聞報當於是日黎明各率隊伍出城進
見賊匪不計其數由河南河北兩路猛撲而來參將李春海
管帶中前二營奮勇直前委員溫懷璋會同署碭伯縣知縣
童永基署碭伯營都司魏榮等率領本地團勇並衆正營勇

分路抄擊自辰至午鏖戰多時傷斃悍賊極多賊始紛紛敗
退入山是夜探知賊仍伏匿山峽次日黎明各軍仍前出隊
並用銅礮埋伏於西門外五里之河灣地方賊果復行蜂擁
而來直薄城池各軍同時奮勇迎擊槍斃落馬者不計其數
內有騎馬悍賊率眾衝突尤為兇猛身自榮生勇奮力迎擊
登時殺斃復經埋伏大礮轟入賊匪中隊見有穿紅衣手持
紅旗賊目一名被擊落馬賊眾立即譁散各軍趁勢追殺直
至西峽口地方始行撤隊旋探得賊已遁向平戎而去連日
據逃出畏脅難民來報訊稱是日共斃賊匪四百餘名受傷
者約八九百名並擊斃賊匪頭目三名現時平戎哭聲動地

念綬掛孝並聞有商糾未拉溝匪復來報仇等語該員等密
行訪查連據後來難民僉稱實係擊斃逆首崔三一名胡偽
帥幫辦頭目雷姓一名並小頭目三十餘名該員等會商趁
其驚亂之際潛赴平戎偷劫賊營當於六月初一日密派何
得彪眾止營勇黃夜馳往至初三日收隊回城據稱賊營外
養狗數十隻聞聲狂吠以致賊眾驚覺自相擾亂經我軍暗
中趁勢斃賊數十名生擒悍賊一名奪獲馬驢洋槍器械多
件而回正擬商同挑選勁勇整隊再往兜剿間探得賊眾全
股於初四初五等日悉數焚壘而遁不知去向平戎一帶肅
清各等語會稟前來奴才豫帥恐其中有未盡實復行諭令

詳細查明稟報旋據該地方文武營員稟覆前後大略相同
並將生擒賊目封振爾解到訊係賊首馮成幅之妻舅同其
兄封辛濟帶領賊匪二百餘人至賊中情形堅不吐實奴才
豫帥因該匪確係賊目訪令平番縣監禁嚴行拷訊臣等查
改匪崔三等大股盤踞平戎我軍數營防守自碾至威數百
里窮山雜沓本屬單薄此次賊匪大股猛撲縣城經碾軍民
團合力迎勦以少擊多斬馘擒生大挫兇鋒雖擊斃逆首崔
三得自逃出難民之口未卜確實然眾口相同賊勢因之不
振焚巢遠遁其窮蹙已可概見現當西寧偏處賊數山險窮
荒又兼糧餉奇絀之時仰賴

聖主德威所記士卒皆能踴躍效命可否擇其尤為出力者查
明的保之處出自

皇上逾格鴻慈又據駐紮威遠堡之管帶靖西營總兵黃武賢
報稱五月初七日卯刻有馬步賊匪數百名在威遠西南之
豐樂溝西古溝突出滋擾經黃武賢帶隊追勦斬殺多名該
匪敗遁翻山而去將所搶民間牲畜全行奪回飭主認領六
月十二日西川石灰溝馬步賊匪數百名大肆搶掠黃武賢
復帶隊伍出城迎勦追殺至山後而回現於各隘派隊嚴防
各等情合併陳明所有改匪連次竄撲官軍疊獲勝仗並踞
匪遠遁各情理合聯銜繕摺由驛五百里馳奏伏祈

皇太后

皇上聖鑒訓示謹

奏

軍機大臣奉

旨另有旨欽此

再查西甯南川地方向有窮民傍山路險零星莊堡頗多前
因地處偏僻藉以苟全迨因平番破相威遠大路一帶稍為
完善之區均經官軍民團聯絡布置該匪竄突受創均陸續

潛遁至南川肆行搶掠又兼河州馬占蓋親赴該處意欲預
營狡穴其金積逃來餘匪頗多內地奸回本已懾伏經外匪
煽動復行助虐以致南川小莊多被焚掠據地方官民稟報
前來奴才聞報殊深焦灼查南川地方尚過西甯郡城迤西
鞭長莫及奴才各部僅止數營防剿三縣之地偏近賊巢此
時不但無力分軍即使抽撥孤軍遠越西甯深入窮山既恐
不能得力而糧運艱阻勢尤難行况賊計正欲誘我遠出救
援後路空虚趨勢擾我完善奴我糧道大局更不可設想前
已據督臣左宗棠出許抽撥得勝之軍助剿一俟厚集兵力
再行設法布置唯查丹噶爾地方相離該川甚近已疊檄該

處圍練總紳張煥奎就迎往援茲據文稱已撥派馬勇四百
名馳救矣現聞左宗棠已派營務處陳湜進紮靜甯督軍是
狄河一經進兵則逆首烏占鰲勢必回顧老巢賊眾富有撤
退西甯大勢庶可保全也知關

聖鑒合併密陳謹

奏

軍機大臣奉

旨另有旨欽此

軍機大臣 字寄

欽差大臣陝甘總督一等恪靖伯左 甯夏將軍穆 西甯辦
事大臣豫 同治十年八月初一日奉

上諭左宗棠穆圖善豫師奏礮伯剿匪獲勝南川被匪竄擾左
宗棠穆圖善奏堵擊西甯賊匪各摺片覽奏均悉陝匪崔三
等竄擾礮伯之勝番溝等處並撲礮城經官軍連日進剿將
賊擊退平成一帶肅清剿辦尚為得手在事尤為出力各員
著左宗棠等查明保奏該逆全股焚壘而遁究竟竄往何處
著左宗棠穆圖善豫師嚴飭各軍探明賊蹤合力搜捕務絕
根株逆首崔三是否實際擊斃該大臣等確查具奏西甯竄

匪四出竄擾窪洞等處雖疊經擒斬匪勢仍屬蔓延左宗棠
等務飭派出官軍分投剿辦迅掃逆氛並檄飭總兵黃武賢
嚴密布置務將威遠一帶完善之地妥籌保全至全縣平番
及省城附近各隘著穆圖善飭令帶兵將弁實力巡防毋稍
大意成棟在肅州收撫改回清叛東下甘涼二府成嚴著左
宗棠穆圖善即飭王仁和等加意防剿如兵力尚屬不敷並
著左宗棠酌量撥兵策應陣亡之全縣團總四品銜楊增全
著交部從優議卹西甯南川一帶村莊時被賊匪焚掠豫師
以兵力難分已函商左宗棠撥軍助剿即著該大臣酌撥得
力隊伍前往協助豫師即飭練總張煥奎先行派隊救援以

資保衛寧靈一帶雖經肅清唯聞甘涼回匪勾結西甯漢回
屢擾平番古浪等處日久無可掠食或由古浪之大靖土門
赴中衛而出邊或由鎮番竄出邊外肅州之回亦時由金塔
寺出邊竄擾若不豫籌堵截恐各匪紛紛北竄必致滋蔓難
圖刻下大軍進規河州若以一軍分紮鎮番金塔寺等處斷
賊出邊之路以一軍駐紮平番扼西甯賊匪出竄兼護秦旺
川糧道俾大兵專力河州免致牽掣似於局勢較為周密著
左宗棠酌量情形妥籌辦理將此由六百里各諭令知之欽
此遵

旨寄信前來

軍機大臣 字寄

欽差大臣改甘總督一等恪靖伯左 甯夏將軍穆 西甯辦

事大臣豫 涼州副都統瑞 同治十年七月初六日奉

上諭前因甘肅甘涼肅一帶兵力單薄諭令左宗棠穆圖善派

兵截剿茲據奏稱現在東西兩山尚未肅清南路亦須留兵

駐紮西甯河州逆巢未掃左宗棠現駐靜甯距西路遙遠穆

圖善所部兵勇駐守省垣分紮全縣等處均難抽撥請俟河

西肅清零匪搜除淨盡再由左宗棠撥兵前赴西路等語甘

涼肅地方緊要亟應妥為設防即著豫帥瑞雲就現有兵力
於各該處緊要隘口嚴密防堵遇有匪徒竄入即行實力剿
擊毋令該匪蔓延惟豫帥瑞雲所部兵力無多如有大股竄
入殊難堵禦仍著左宗棠豫圖善妥籌兼顧如西路緊急務
於無可抽撥之中設法派兵赴援以資得力將此由五百里
各諭令知之欽此遵

旨寄信前來

為遵

旨擇尤酌保懇

恩俯准鼓勵恭摺仰祈

聖鑒事竊奴才上年十月十六日承准軍機大臣字寄同治九年八月二十九日奉

上諭豫帥奏團勇會剿回匪克復賊寨及出省籌辦後路各摺片高寨白馬寺等處踞匪現經豫帥飭令團勇會同官軍兜剿該逆渡河而逸立將高寨全溝克復白馬寺一帶業已肅清西碾紳民捐貲殺賊尚屬著有微勞著准其擇尤酌保以示鼓勵欽此欽遵之下奴才當即轉飭統帶靖西營西寧鎮

總兵黃武賢就迹確查實在出力紳民開單去後茲據該總
兵查開銜名清摺請保前來奴才覆加查核尚無冒濫內有
靖西營弁勇原係唐有彥管帶懷義三營解威連堡之圍繼
復於高寨白馬寺等處會勦出力其地方紳民俱是歷年辦
圍堵勦認真並捐備糧餉尤為精著勤勞深明大義奴才謹
繕清單加具切實考語恭呈

御覽其請拔千把外委並請給翎枝各弁勇飭造花名清冊咨
送兵部查核僅於清單後聲叙總數統計

聖恩俯准分別給獎

飭部註冊俾資感奮除飭取各員弁紳民履歷另行咨部外所

有遵

旨擇尤酌保緣由理合繕摺由驛馳奏伏祈

皇太后

皇上聖鑒訓示謹

奏

軍機大臣奉

旨另有旨欽此

再奴才於八月初一日承准軍機大臣字寄同治十年七月初六日奉

上諭前因甘肅甘涼肅一帶兵力單薄諭令左宗棠穆圖善派兵截剿茲據奏稱現在東西兩山尚未肅清南路亦須留兵駐紮西甯河州逆策未掃左宗棠現駐靜甯距西路遙遠穆圖善所部兵勇駐守省垣分紮全縣等處均難抽撥請俟河西肅清零匪搜除淨盡再由左宗棠撥兵前赴西路等語甘涼肅地方緊要亟應妥為設防即著豫帥瑞雲就現有兵力於各該處緊要隘口嚴密防堵遇有匪徒竄入即行實力剿擊毋任該匪蔓延惟豫帥瑞雲所部兵力無多如有人股竄

入殊難堵禦仍著左宗棠穆圖善妥籌康顧如西路緊急務
於無可抽撥之中設法派兵赴援以資得力將此由五百里
各諭令知之欽此欽遵

寄信前來奴才跪讀之下惶悚莫名伏查西路甘涼肅一帶地
方所屬府廳州縣共計十一處幅員極為遼闊莊堡半屬彫
殘與西甯界址毘連山溝岔路處處可通誠如

聖諭奴才所部兵力無多設於河大股窮寇突竄極難堵剿奴

才祇奉以來焦思熟計竊以甘肅賊勢久如亂絲若不審相
形勢分別要害步步穩慎全力注之必為賊計牽制終非了
局督臣左宗棠自入甘以來洞悉甘情而且堅忍沈毅審機

決勝變化從心實能得用兵秘鑰此次由金精掃清東路全力注於狄河三路進攻以除心腹積患是全甘轉機端在此舉河巢一拔餘則迎刃而解若過分軍兵力必致鈍滯轉為求速反遲矣奴才每與論事意見昭合現河軍正在喫緊奴才雖當危迫自有極力撐持俾左宗棠全力圖維以成大功早紓

皇上西顧之憂是奴才之私願也目下自平番以至威遠數百里要隘經奴才分防堵擊屢挫兇鋒賊膽已寒料該逆窮取之餘縱有逃逸巨股未必敢公然由此路出竄惟恐繞路潛由巴燕成格山後直突西甯之大通出扁渡口為甘涼之水

昌山丹鎮番地方是此處乃西路第一關鍵也奴才已飛文咨會涼州鎮總兵王仁和甘州提臣楊占鼈就現有兵力相度緊要隘口嚴密扼防俟前路如何動靜再行會同瑞雲隨時相機商辦以期共濟昔漢臣諸葛亮云成敗利鈍非所逆睹奴才當此時艱唯有力顧大局竭盡血誠而已所有遵

旨飭防甘涼肅一帶籌辦緣由理合由驛五百里附片密陳伏

祈

聖鑒訓示謹

奏

軍機大臣奉

旨另有旨欽此

軍機大臣 字寄

欽差大臣陝甘總督一等恪靖伯左 寧夏將軍穆 西寧辦

事大臣豫 涼州副都統瑞 同治十年九月十三日奉

上諭豫帥奏籌防甘涼肅一帶情形等語豫帥接奉前旨籌防
要隘所稱自平番至威遠各隘口分投防堵賊匪不能由此
出竄是已確有把握即著責成豫帥妥為布置不得徒託空
言至由巴燕戎格山後可達西寧之大通出扁渡口即係水

昌山丹鎮番地界賊如繞竄此路則甘涼轄境均被騷擾亟
應加意嚴防豫帥已知照王仁和楊占鼇等力扼要隘以備
不虞仍著會商瑞雲隨時防範務臻周密不可稍有疏懈肅
州收撫陝回潰叛東下甘涼戒嚴西面再匪徒亦四出竄擾西
路幾成賊藪豫帥未可以屢挫賊鋒稍存大意尤當相機戒
備以衛地方左宗棠仍當懍遵前旨撥兵助剿並著穆圖善
妥籌兼顧將此由五百里各諭令知之欽此遵

旨寄信前來

為援案擇尤酌保解運餉銀軍裝出力員弁紳士懇

恩俯准鼓勵茶捐仰祈

聖鑒事竊奴才自募立新軍統率西進所有駐陝西征糧臺提
解籌濟餉銀及由川陝採辦護解鉛藥器械長途險阻節節
賊擾委員等由外省分起管解至蘭州省城交局員接收至
省局轉解仍藉地方官紳設法籌辦馱載護運到營該員等
承辦以來迄今將及二年之久各員弁長途裹糧繞越不避
危險自行堆身護解遇賊即擊先後打仗傷亡大勇數十餘
名隨時由局報明在案而一切軍餉軍裝等項均能防護接
轉毫無貽誤實屬精著辛勞現據辦理轉運局務西甯府知

府鄧永偉援照甘省歷次轉運委員給獎成案開單稟懇
奏請獎叙前來奴才詳加查核尚無冒濫伏思甘肅地方久
經彫敝長途漫漫無村舍賊蹤處處堪虞較之他省轉運情形
已大不同况西甯一路深入邊荒尤為甘省之最奴才孤軍
防剿胥賴後路迢迢遠道解運一切以資軍用每遇提解差
使人人視為畏途率多不敢承當若不及時予以鼓勵恐愈
無以資觀感而期後效再查總辦轉運西甯府知府鄧承偉
承辦局務催提轉解督飭各員弁募勇殺賊擇道趨程殫精
畢慮均能隨時接轉俾各營軍實得以有資防剿無悞實由
該員顧持之力未便沒其勞績奴才擬將花翎鹽運使銜西

甯府知府鄧永璋請以道員儘先補用以為竭力辦公者勸
其餘員弁紳士謹擇尤另繕清單加具切實考語一並可否
籲懇

天恩俯准給予鼓勵俾益感奮之處出自

逾格鴻慈所有撥案擇尤酌保解運餉銀軍裝出力員弁紳士
緣由理合繕摺由驛馳奏伏祈

皇太后

皇上聖鑒訓示謹

奏

軍機大臣奉

旨該部議奏單併發欽此

再西甯南川踞匪白彥虎等股衆屢經奴才檄飭丹噶爾等處漢番圍報合力兜剿昨據管帶靖西營總兵黃武賢並各路探報該匪於八月初八日竄向郭密番地搶掠牲畜經該處番族預為準備會合各圍夾擊賊衆大奔殺斃悍賊三百餘名初九日又分股往董家寨地方滋擾總兵黃武賢帶隊馳往迎剿賊衆驚潰追殺數十名將所掠牲畜奪回飭主認領又初十日白彥虎率衆竄向丹噶爾境內行至東課寺地

方該寺僧番協同漢團四路埋伏奮力截擊殺斃賊匪四百
餘名奪獲馬匹器械極多並槍傷賊目白彥虎鉛子穿透兩
頰餘匪大敗狂竄歸巢各等情奴才聞報當復檄飭各番寺
民團防軍聯絡鵬剿務使賊蹤得盡又平番迤西祥隆山峽
九月十七日突有馬步悍賊數百名竄出經南莊各營登時
整隊迎剿斃斃賊匪十數名生擒悍賊二名奪獲器械數件
餘賊仍由山路狂奔各營窮追十餘里始行收隊回營奴才
現仍飭各軍嚴密布置分隘堵防以保無虞再賊眾因各處
官軍截剿受創左宗棠大兵已次安定前軍渡洮聲勢震攝
所有西甯本地回族頭目馬水福等六十四名並未拉溝回

目馬良義等七名先後在奴才行營呈懇乞降投誠前來是
否真心抑仍計在緩兵尚難憑信奴才於九月初六日輕騎
馳往安定左宗棠行營面為密商於十七日旋營俟隨機察
勢辦有端緒再行會銜馳報所有官軍團勇擊賊獲勝暨各
回目震懼呈懇情形理合由驛五百里附片密陳伏祈

聖鑒謹

奏

軍機大臣奉

旨知道了欽此

軍機大臣 字寄

欽差大臣陝甘總督一等恪靖伯左 甯夏將軍穆 西甯辦

事大臣豫 涼州副都統瑞 同治十年十月二十七日奉

上諭瑞雲奏遵旨撥兵防堵要隘一摺涼州地方邊關要隘甚

多現經瑞雲將王仁和所部分撥三營防守水昌等處其郡

城以南亦經挑派旗綠兩營安插各隘防堵所籌高扁周妥

即著瑞雲督飭派出各軍實力巡防遇賊即擊毋稍疎懈涼

州兵力本單除分防各路外正臚王仁和烏步二營甘州之

扁都口地方亦時有賊匪竄突涼防兵勇遇有緩急抽調為

難瑞雲已飭令王仁和添募二營合滿漢兵勇防剿北路所

有該軍糧餉即著左宗棠飭令駐涼營屯局就近撥發以濟
軍需瑞雲此次抽出旗練二營官兵行營口糧著一併飭令
營屯局按月照支毋令缺乏如有賊股竄迹仍著穆圖善就
近撥兵應援以固要地平番縣境各隘著豫帥督飭各軍認
真防剿不得稍有疎虞瑞雲在任多年辦理涼州一切事宜
尚為得力現因抱病有懇請開缺回旗之語該副都統前次
告病摺件並未遞到該處防務緊要瑞雲未可遽離著穆圖
善就近派員查明該副都統病勢如何是否即能痊愈之處
迅速據實具奏將此由五百里各諭令知之欽此遵

旨寄信前來